

**DEKLARACIJA O EKONOMSKOJ I TRGOVINSKOJ SARADNJI IZMEĐU  
BOSNE I HERCEGOVINE, REPUBLIKE TURSKE I  
REPUBLIKE SRBIJE**

Ministarstvo vanjske trgovine i ekonomskih odnosa Bosne i Hercegovine, Ministarstvo ekonomije Republike Turske i Ministarstvo vanjske i unutrašnje trgovine i telekomunikacija Republike Srbije (u daljnjem tekstu "Strane"), u cilju promovisanja i olakšavanja trgovine i ekonomske saradnje među njima na osnovu uzajamne koristi, dogovorile su se kako slijedi:

1. U cilju unaprjeđenja i diverzificiranja međusobnih trgovinskih odnosa i razvoja ekonomske saradnje, Strane su dogovorile da olakšaju razmjenu informacija, posebno u vezi sa njihovim zakonodavstvom o trgovini i ekonomskim aktivnostima.
2. U okviru jačanja trilateralne saradnje, Strane su dogovorile da uspostave "Trilateralni trgovinski komitet" radi razmjene informacija, iskustva i najbolje prakse u vezi sa trgovinskim pitanjima, promovisanja stranih investicija i mogućnosti za saradnju između tri zemlje u različitim sektorima obzirom na njihove ekonomske prioritete uz učešće poslovnih krugova te takođe radi iskorištavanja prilika na tržištima trećih zemalja.
3. Strane su dogovorile da će sastanci "Trilateralnog trgovinskog komiteta" biti održavani na ministarskom nivou sa ministrom vanjske trgovine i ekonomskih odnosa Bosne i Hercegovine, ministrom ekonomije Republike Turske i ministrom vanjske i unutrašnje trgovine i telekomunikacija Republike Srbije.
4. "Trilateralni trgovinski komitet" će se sastajati, načelno, jednom godišnje ili kada Strane smatraju neophodnim češće, naizmjenično u Bosni i Hercegovini, Turskoj i Srbiji.
5. Putem sastanaka "Trilateralnog trgovinskog komiteta", Strane su odlučile dijeliti praksu o pitanjima multilateralnih trgovinskih sporazuma, razgovarati o napretku regionalne saradnje, promociji bilateralnih/trilateralnih trgovinskih i ekonomskih odnosa, pitanjima trgovinske politike i olakšavanja međusobne trgovine i podsticanja saradnje u različitim sektorima i na trećim tržištima.
6. Strane su dogovorile da osiguraju potrebne olakšice za privrednike trećih zemalja kako bi povećali trgovinu i riješili probleme koji se mogu pojaviti, u okviru "Trilateralnog trgovinskog komiteta". U tom smislu, Strane su odlučile da preporuču poslovnim krugovima da održavaju trilateralne poslovne forume paralelno sa sastancima Trilateralnog trgovinskog komiteta u određenoj zemlji.
7. Strane će podsticati njihove poduzetnike i organizacije da učestvuju u poslovnim forumima, izložbama, sajmovima i drugim promotivnim aktivnostima kao i promovisanje razmjene trgovinskih delegacija i poslovnih predstavnika.
8. Svaka Strana će obezbjediti međusobnu pomoć u organizacijama nacionalnih izložbi, seminara, obuka ili drugih promotivnih ili informativnih aktivnosti drugih Strana na njenoj teritoriji, pod uvjetom da su takve aktivnosti u skladu sa ciljevima programa za promociju trgovine svake od Strana.
9. Svaka Strana treba omogućiti podršku u najvećoj mogućoj mjeri drugim Stranama od strane svojih trgovinskih predstavnika na tržištima trećih zemalja.

10. Ova Deklaracija neće stvoriti nijednu pravnu obavezu za Strane.

Sačinjeno i potpisano u Ankari 14. maja 2013. godine, u tri originalna primjerka na engleskom jeziku.

**NJ.E. Mirko ŠAROVIĆ**  
**ministar vanjske trgovine i**  
**ekonomskih odnosa Bosne i**  
**Hercegovine**

**NJ.E. Zafer CAGLAYAN**  
**ministar ekonomije**  
**Republike Turske**

**NJ.E. Rasim LJAJIĆ**  
**potpredsjednik Vlade i**  
**ministar vanjske i**  
**unutrašnje trgovine i**  
**telekomunikacija**  
**Republike Srbije**